

16
DISPUTATIO MEDICA
INAUGURALIS
DE

Operatione Medicamentorum Ma-
la & Contraria.

QUAM,
DEO FAVENTE

Ex Auctoritate Magnifici D. Rectoris,

D. FRANCISCI FABRICII,

S. S. THEOL. DOCT. ET IN ACAD. LUGD. BAT.

PROFESSORIS PUBLICI. UT ET ECCLESIAE

IBIDEM PASTORIS:

NEC NON.

Amplissimi Senatus Academici Consensu,

& Nobilissimae Facultatis MEDICAE Decreto,

PRO GRADU DOCTORATUS

Summisque in MEDICINA Honoribus, & Privilegiis, ritè,
ac legitimè consequendis,

Publico Examini submittit.

PAULUS BERNHARDUS NEUCRANTZ, Lubecnsis

Ad diem 4. Maji, horâ locoque solitis.



LUGDUNI BATAVORUM.

Apud ABRAHAMUM ELZEVIER, Academiae
Typographum. M DCC VIII.

THE UNIVERSITY OF CHICAGO
LIBRARY

EXPERIMENTAL MEDICINE
JOURNAL

THE UNIVERSITY OF CHICAGO
LIBRARY
JAN 10 1900

THE UNIVERSITY OF CHICAGO
LIBRARY
JAN 10 1900

THE UNIVERSITY OF CHICAGO
LIBRARY
JAN 10 1900

THE UNIVERSITY OF CHICAGO
LIBRARY
JAN 10 1900

THE UNIVERSITY OF CHICAGO
LIBRARY
JAN 10 1900



J. N. J.

DISPUTATIO MEDICA

INAUGURALIS

DE

Operatione Medicamentorum ma-
la & contraria.

P R O O E M I U M.



ria sunt, quæ communiter quidem omnium ore assumuntur, quorum tamen in singulo corpore & diversa operatio & diversus effectus est. Primum ex illis Alimentum, corpus nostrum alit sanitatemque servat. Alterum Medicamentum labefactato corpori sanitatem recuperando, servat illud; Tertium quod Venenum est, turbat æconomiam corporis & destruit. Quam laudabilis autem duorum priorum operatio &

effectus sit, hisce ipsis tamen venenosa & deleteria multis modis evadere possunt. Quemadmodum enim cibus & potus male in culinis præparati, debili ventriculo excepti, mala diæta abusi, necessaria alias & salubria nutrimenta in ipsum venenum degenerant, ita ut cum Plinio sæpius concludendum sit: Hominem cibo mori; Sic & id de medicamentis metuendum, quorum mala præparatio, omnem ipsorum vim & efficaciam invertere potest, quorum operationi tot peccantes humores ut fomites morborum resistunt, ut interdum docta arte medicamenta administrandi plus valeat malum, quorum denique importuna & illegitima applicatione, temerarii nonnulli, arma hæc, ad debellandos morbos valida in ipsum ægrum vertunt, quoinde cum Ettmullero dolendum: quod unum idemque remedium, rite administratum manum Dei auxiliatricem repræsentans, perversè usurpatum, gladius eveniat in manu furentis: quare & nullam ferme a Medicis præscriptam curam legimus, cui non sedula adjecta admonitio sit, ne tam ad medicamenta eorumque virtutes, quam ad bonam ipsorum operationem attendamus. Hujus etiam, cum & è fideli hætenus informatione Præceptorum meorum, omni honoris cultu prosequendorum, gratus recordor, meliorem materiam, pro elaboranda Dissertatione eligere non potui, quam præsentem, cujus pertractatione scilicet meditationes meas in operatione mala & contraria medicamentorum perlustranda impenderem, quo rita eorum operatio melius exinde mihi innotescat, præeunte nimirum Hippocrate, qui non solum à juvantibus, sed & à nocentibus indicationes sumendas præcipit. Cùm autem primo conamine Thema hoc, & fusius, quam ut paucis pagellis includi, & difficilius esse, quam ut debili ingenio meo funditus exarari possit, conspexerim, veniam a B. L. expetere æquum duxi, si forsitan non omnia huc adducenda, aut rem non acuta tantam invenerit: quam impetraturam, cum non dubitem, sic præ-

missa.

missa medicamentorum operatione rationali, eorundem operationem malam & contrariam, hujusque effectus & causas pro modulo meo detegendas bono cum Deo aggredior.

Thesis I.

Ad restaurandam corporis nostri depravatam sanitatem, cum medicamentis, ut primariis requisitis maxime indigeamus, facile & esse & prodesse eorum cognoscitur: Sunt nimirum adminicula fluidorum nostrorum turbatam mixtionem & motum, solidorum autem conformationem & conjunctionem læsam restituentia. Bene ergo operantur, si omnia obstacula tam digestionis, fermentationis quam secretionis & excretionis ut causas malæ mixtionis & motus, feliciter & pro possibili tollant, solidorum etiam morbos, emendent. Secus si agant operationem eorum malam & contrariam nominamus. Antequam autem ad hujus causas & effectus detegendos, progrediar, necesse erit, aliqualem rationalem medicamentorum operationem præmittere, quo deinceps eo melius & sine ambagibus pensum meum absolvere possim.

I I.

Duplici nunc modo medicamenta agere notum est, actuali scilicet & potentiali, illaque priori, ipso applicationis momento opem ferre, posteriori, post aliquam moram vires suas exercere, quare & vulgo in actualia & potentialia dividuntur. Hisce medicus ita utitur, ut quo actualibus ad removendum vel corrigendum morborum laticem pervenire nequit, nec ipsum licet, potentialia determinet, actualia autem adhibeat morbis potentialium virtutem malignitate sua superantibus: mitioribus enim prius tentanda res est, antequam debellandis morbis ferrum & flammam minemur, hacque methodo usum fuisse Hippocratem Aphorismus ejus 6. Sect. 8. indicat, quo medicamentorum ordinem ita proponit: Quæcunque non sanant medicamenta, ea ferrum sanat, quæ ferrum non sanat ea ignis sanat, quæ ignis non sanat ea incurabilia judicare oportet.

I I I.

Data sic Definitione & Divisione medicamentorum generali, singulorum operandi ratio reddenda esset; cum autem unicuique innotescat, ferrum acutum scindere, ignitum vere posse, præterea Chirurgicorum solas manus, quæ ipsis frequenter loco instrumentorum esse debent, ar-

ticulum dislocatum & fractum reponere valere, nimis a scopo aberrarem, si hancce actualium virtutem, longe petita demonstratione comprobare inhærerem. Quare potius Potentialium operam, ulteriorem contemplationem requirentem, sisto.

I V.

Potentialia hæc medicamenta Græcis *Φάρμακα* dicta, tribus Regnis Vegetabili scilicet Animali, & Fossili, deprompta, insigni copia in officinis pharmaceuticis asservantur, novisque inventis indies augentur, ut si quis speciatim omnia recensere sibi proponeret, finem vix respiceret; quam obrem in me susceptam horum operationem tractandam haut facilius absolvero, quam ut quot quot sint, in paucas classes redigam, sicque paucis multa complectar. Facilitabit hoc negotium, duplex eorum considerata Potentia & Effectus, plures enim non edunt, quot etiam nomina vel ab ipsa substantia, vel morbo debellando, l. loco affecto obtineant. Ratione Potentiæ & effectus ergo, vel fortius l. lenius operantur, quando miasma morbosum, vel vi, vel insensibiliter, evacuant, aut corrigunt.

V.

Evacuantia itaque quæ primam Classem constituunt, tot rursus obtinent nomina, quot ipsis à natura monstratæ viæ sunt, ad humores abundantes vel peccantes ejiciendos, naturali enim motui secretorio & excretorio succurrunt, ille autem, quoniam vel superne per os ventriculo molesta, pectori noxia, in ipso ore è vasis emunctoriis secreta eliminat, aut narium mucum propriis viis educit, l. inferne per secessum Intestinorum contenta, aut per genitalia educenda educit, reliqua autem per cutis vasa excretoria abigit, sic & singulis hisce viis antiquitus propria tributa sunt medicamenta Evacuantia. Corrigentia autem quod attinet, hæc, cum naturalibus & arte productis evacuationibus inserviunt, idque debiles facilitando, nimias supprimendo aut quod iis deperditum est restituendo, è triplici eorum officio triplicia considerantur.

V I.

Quæ nunc in prima Classe consideranda veniunt, sunt Emetica sive Vomitoria, quoniam non solum fortissime operantur, sed & primas vias & receptaculum primum ciborum a saburra peregrina & noxia liberant, sicque morbosum miasma eliminando primam concoctionem corrigunt, quo eo salubrior secunda & tertia absolvatur. Ejiciunt hæc quævis ventriculi contenta, bene in hunc finem præparata, motu ventriculi excitato convulsivo. Quemadmodum autem convulsivus motus, a liarum

aliarum nerveo tendinosarum partium oritur à quavis vellicante materia excitante nimirum spirituum animalium inordinatum influxum, quo fibrillæ tendinosæ immodicè extenduntur, ideoque mox ad sua principia resiliunt, sicque dubiè motæ tamdiu agitantur, donec rodentem materiam valido impetu removeant: Pari ratione etiam ventriculi convulsio à vomitoriorum particulis acribus rodentibus causatur, dum scilicet immediate interiorem nerveam ventriculi tunicam arrodunt; vel mediante fermento ventriculo proprio, quod secundum Willisium, sua acredine contaminant, intimas hujus tunicæ rugas permeant easque vellicant, quo facto cum & penetrent ad musculares, nervosam tunicam ambientes, earum fibrillarum tum longitudinulium & transversalium afficiunt extremitates, necessario ea propter, a spirituum accelerato accursu involuntarius motus & convulsio excitatur, quæ actio semel inchoata tamdiu incrementum capit, & vehementior notatur, donec concussione ventriculi totius structuræ, quæ in fundo hærent ad orificium ejus protrudantur, sicque ore egerantur.

V I I.

Hinc Vomitoriorum essentia facile determinanda est, vis enim rodendi & vellicandi competit acidis volatilibus sulphureis metallicis particulis, hisce enim præscriptos subitaneos effectus notamus, sic subtilissimus in bitumine Sulphuris communis residens Spiritus, quam-primum è suo viscido accenso sub forma fumi, ascendit leviter modo à nobis per inspirationem exceptus, statim excitat tussim asthmatis convulsivi, incaute vero liberalior haustus convulsiones lethales inducit. Sulphur hoc commune ex oleo & sale terræ conereturum dat primam materiam metallorum, quo purius eo & subtilius, eoque nobiliora non solum metalla exinde generantur, sed & eo penetrantius ejus sal & magis rodens est. Notum autem est antequam Metalla hac sua matre producantur, prius concretionem fieri limpidam ponderosam, maxime mobilem nomine Mercurii notam, qui Mercurius dum primum ens metallorum constituit, sic & origo est plurimorum medicamentorum è metallis parabilium. Parantur autem hæc vomitoria, quando mercurius vel per sublimationem vel per præcipitationem depuratur, hac ratione enim ipsius salis spicula, impuri terrestri materia liberata, agilitatem acquirunt, hanc si rursus illis demere necesse sit, commistione & additione novi mercurii, aut terrestrium vel oleosarum partium, obtundimus rursus spicula, & mercurius ut antea nulla prorsus acrimonia gaudet, sed innoxie assumitur. Quæ cum ita sint, apparet, vo-
mi-

mitiorum acidam volatilem sulphuream metallicam, eamque crem & rodentem materiam esse mercurii sulphur, a parte salis sui acidi, quando mercurius denudatus est, sensile, quod non solum sublimatus sed & præcipitatus sua vi caustica probant; Quoniam autem mercurius prædicto modo depuratus, nimis acris compertus & interne exhibitus, præsentaneum venenum est, potius Semimetalli genus, antimonium dictum elegerunt Medici, in quo quidem satis abundat mercurius, sed particulis antimonii metallicis sufficienter ligatus & mitigatus tenetur. Hoc antimonium à crassiori suo sulphure & impuriori terra per simplicem fusionem separatum & in vitrum fusum, præbet usualem pulverem vomitivum; hoc, dum adhuc nimis acre in substantia exhibitum iudicatur per noctem vino acido immittitur, id quod subtili sulphure mercuriali saturatum, tutius & citius tam quoad operationem quam quoad ejectionem exhibetur: eadem res est cum Regulo & Croco Metallorum, qui addito nitro & tataro pro meliori sulphuris crassioris deflagratione fusi pro infuso vomitorio usurpantur. Omnium vero communissimus pulvis est Tartarus Emeticus, cuius in præparatione Cryalli Tartari cum croco metallorum coctæ, pariter ac vinum sulphure subtili mercuriali imprægnantur, sicque longe mitiores ac ipse crocus agunt.

Sunt & vegetabilia nonnulla, quæ inter vomitoria fortiora numerantur, illa quidem quorum indoles, cum Bile vitata æruginosa scl. & Isatode quandoque vomitu ejecta, convenit, ut sunt fortiora Cathartica, aut quæ sal urens & acre in resinis reconditum habent, sicque sulphur vegetabile constituunt. vel etiam quæ amara sunt, quanquam mitioris naturæ, ventriculum tamen tenerum ingredientia, pro majori minorique acrimonia sua illum convellunt.

V I I I.

Hæc nunc recensita Emetica valde activa, quoniam parva quantitate magnas actiones edunt, respectu eorum quæ sequuntur, fortiora nominantur; Leniora enim nec sal apertum gerunt, ideoque nec sensibilia sunt, ventriculumque ad convulsiones ut acia stimulare nequeunt, sed gravando magis ventriculum ejusque ut & gulæ cavitatem glabram reddendo, quam rodendo agunt. In magna ergo copia dum assumuntur, ventriculum præternaturaliter extendunt, quoinde hic, pressioni & conquassationi adjacentium partium, ut actioni pro concoctione ciborum necessariæ, renitiur, unde nausea vomendique conatus oboritur, quale quid observamus, quando ventriculus nimia cibi ingestione distentus, Diaphragmati, illum sub inspiratione conquassanti, deorsum prementi, ce-

cedendo morem gerere nequit, ob renitentiam subsequente inspiratione validius premitur, donec agitatione majori, indeque concepta nausea, inconcoctos cibos regurgitet. Hujus generis nunc sunt oleosa, pingvia & aquosa, videlicet Lac, oleum olivarum, Cerevisia butyro mista, aqua simplex, quæ, si illis ventriculus repletur, ut dictum est vias lubricant, & facile egestibilia nec adeo firmiter plicis ejus impacta educunt, præprimis autem fortiorum Emeticorum operationem juvant, & venena assumpta acria involvunt & expellunt, quibus circumforanei utuntur, antequam ad decipiendos spectatores magnam venenorum dosin ingerant, probant & hoc glires, qui, assumptum arsenicum largo aquæ haustu, illæsi per vomitum reddunt.

I X.

Quæ secundus ordo tangit in Evacuantium contemplatione Cathartica sunt, quoniam viam ventriculo proximam ipsique continuam purgant. Intestinorum enim tractus, quem evacuant & ad quem humores peccantes à tota corporis peripheria quasi ad centrum derivant, unus est & continuatus cum ventriculo. Ille scilicet canalus, quem assumpta per os prius ingrediuntur & gula est, postquam in insignem saccum dilatatus ventriculum constituit, pergit rursus in angustum & longum tractum varie ductu in abdomine circumgyratum usque ad anum, & nomine Intestinorum notus est. Præterea & nonnullorum Catharticorum facultas est, ventriculum una cum Intestinis evacuandi, quod post illorum usum fames dejecta probat. Petuntur hæc medicamenta ex omnibus tribus regnis §. 4. recensitis, sicque tam alcalia volatilia quam fixa, acida volatilia mineralium & vegetabilium, ut & salia composita, per inferiora purgant, idque vario modo prout variæ indolis texturæ aut figuræ sunt.

Alcalia quidem quoniam oleaginosæ naturæ, crassam pituitam, cui ratione substantiæ facile miscentur, incidunt & sejungunt, quo facto hæc, ob ramosam & concatenatam conjunctionem antea lateribus intestinorum illorumque valvulis semilunaribus inhiærens, nunc divisa, majoremque nacta superficiem, secundum Regulam Physicam: Corpora quo majorem habent superficiem, eo magis aliorum corporum motibus exposita sunt, magis quoque sæcum pressioni exposita est, leniorque negotio educitur; Hac vi incidendi corrigunt quoque bilem pituitosam vitellinam dictam, cujus vitio sæpe alvus adstricta notatur. Præterea & more salium ratione acredinis augment motum intestinorum peristalticum, dum blande illorum fibrillas vellicant, quò validior contentorum suc-

cedanea expressio fit ; alviq̃ue secessus segnior stimulat̃ur ; & cum ob subtilitatem exiguos quoque ductus penetrant , sic cum chylo ad sanguinem deferuntur , referant undique obstructions glandularum vasorumque lymphaticorum , talique effectu lymphæ à remotissimis locis per glandulas Pejerianas viam parant , è quibus in Intestinis secreta , tandem per secessum deponitur. Multa etiam alcalia cathartica in resinis recondita sunt & gummatibus , ut è re medica patet , dum radices resinosis zonulis divites ut meliores pro purgandi scopo eliguntur , quapropter id adhuc virtutis habent , ut balsamico residuo suo , quo post solutionem egressa consolidationem in Intestinis , si qua opus est , promoveant. Viribus laudatis nunc prædita , sunt salia per destillationem ex animalibus , per incinerationem è vegetabilibus parata , Radices purgantes communes Rhabarbari , Meochacaninæ albæ & nigre , Ipecacuanhæ , Turbith , Hellebori nigri &c. ut & succi plantarum concreti Aloes & Scammonium , qui pro necessitate correcti , variis compositionibus miscentur.

Ex acidis mineralium , eligitur solus Mercurius , qui optimus lymphæ domitor audit , non quidem ut eam corrigat , sed quoniam indefinite divisibilis & quasi in innumeros atomos per omnia vasa , quam exigua etiam sint se dispergit , ut injectiones anatomicæ docent , retinens tamen in exilibus minutis suis pondus & mobilitatem , recludit tubulos illos obstructos , donec tandem in communem Cloacam rursus egrediatur. Reliqua Metallorum præparata ex infusis Emeticis desumuntur , quæ usui cathartico inserviunt , quoniam autem pro hoc scopo non ore assumuntur , sed Clysmata constituunt , ideo hæc ad illorum seriem remitto.

Vegetabilium acida volatilia pruritus in extremitate osculorum vasorum excretoriorum , sub tunica interna Intestinorum hiantium excitant , copiosioreque inde Lymphæ secretionem producant , qua alvus ut in Diarrhæa frequentior movetur , Bilem , quam nimis volatilem obviam inveniunt correctam ejiciunt ; Præcipua vero eorum operatio in eo consistit , ut augeant debilem Intestinorum fermentationem qua purum ab impuro separatur & Chylus rite defæcatus sanguini affunditur , fæces vero ejus per vias ordinarias secedunt , ut id in omni instituta fermentatione observamus , quare & omnia facile fermentescibilia quæ fermentationem ante destillationes spirituum è vegetabilibus juvant , in hunc finem assumuntur , ut sunt dulcia , Prunæ laxativæ , diversæ syruporum species , fructus horarii maturi , nec non cremor tartari , Tamarindi , Pulpa Cassiæ , &c. quorum esu ordinario homo percipit alvi fluxum.

Salia

Salia duplicata, quæ ex acidis & alcalibus composita, de utrorumque virtute participant, hinc & ex præcedentibus horum Cathartica operatio colligi poterit, communiter autem cathartici stimuli loco sunt.

Quæ inter Cathartica laxantia dicuntur, cum lenioribus Emeticis eadem sunt, illa enim quæ ventriculum copia sua replent & glabrum reddunt, hæc ipsa Intestina quoque lubricant, Chymumque copiose assumpta diluunt, sicque fluxilia reddunt corpora quæ purganda sunt, quod summe necessarium secundum Hipp. Aphorismum 70. Sect. VII. Nec pro alia intentione mercurius, in substantia ad libras assumendus, quandoque in usum vocatur, quam ut tali copia siccam alvum induratasque fæces ad dejectionem & egressum pondere suo urgeat.

X.

Quodsi autem in alvo pertinaciter adstricta scybala transitum purgantium impedian, neque laxantibus per os assumtis malum hoc corrigi possit, ne, vana ingestione acriorum purgantium, affectus hic in Ileum degeneret, cura melius Clysmatibus tentatur, fluidis nimirum medicamentis ano injectis, quibus intestinorum tractus, mox ut ventriculus vomituriens convellitur, mox leviter tantum stimuletur, aut lubricatur, prout materia illa constituens l. acris l. minus acris pro diversitate affectus requiritur: Sic in Ileum non ab inflammatione, sed induratione fæcum, vomitoria infusa, l. decocta ut aqua Benedicta Rulandi, Infusum Tabaci & alia acria adhibita convulsionem Intestini recti & coli excitant. Juscula pingvia, ut lac simplex cum sale acuatam, in Colica, & ad excitandum sopore affectum, injiciuntur, non acuatam vero aut simplex oleum quodvis demulcens, cum adjuncto opio l. alio anodino, ut acre involvens, dolores sistens, & eluens Clysmata exhibent, quando crassa Intestina, ab acri ipsis quandoque in hærente, excoriata sunt, vel irritata.

X I.

Hiscæ Evacuantibus, medicamenta Bechica, Apophlegmatizantia, & Errhina subjunguntur, quæ pariter subacria, leni convulsione & pruritu pituitam & lympham peccantem educunt; hæc ad maximam partem è prænominatis evacuantibus petuntur; Quoniam vero Bechicorum sive pectorum evacuantium varia sunt, multaque ex illis prius in ventriculo resolvi debent, ut sulphur, gummata solventia & egerentia, ideo talia præ cæteris eliguntur, quæ præsentaneam medelam spondent, hanc à nullo melius sperare possumus, quam ab Infuso vel decocto specierum pectoralium, vapor enim aquæ tepidæ cum expectorantibus coctæ, per tubulum vel nuda inspiratione exceptus, melius ingreditur Epiglottidem

alias non satis pro linctu, aut resoluto in ore gummate hiantem, & sic potius gummata carbonibus ignitis injecta, in fumum resoluta trachæam ingrediuntur, si in substantia exhibeantur. Trachæa autem, tenui & sensili tunica vestita, nec acriora facile ferens, cum pulmonibus adhærentibus hisce bechicis leviter affecta, contrahitur, ab aeris vero inclusivi elastica momento rursus distenditur cum impetu, hacque ratione pituita tenax cum scretu & tussi ejicitur.

Errhina siye sternutatoria subito afficiunt acrimonia sua extremitates nervi olfactorii, sub tenui membrana pituitaria narium interna obvelante, latitantes, dum immediate illis admoventur, qua irritatione inconsueta, momentaneus spirituum accursus notatur, qui accedente aere expirando, vehementiori explosione s. sternuatione removet causam vellicantem, quo arctior contractio interiorum narium antecessa est.

Apophlegmatizantium siye salivantium notissimum est, mercurius dulcis, forma pilulari vel syrupi exhibitus aut externe inunctus, cujus rationem lympham ad vasa excretoria derivandi § 9. jam dedi, quod ritem plerumque egressum petat per glandulas ductusque salivales, est, quod hæ viæ magis patulæ sint ob diuturnam exspuitionem, tum quod in ore & regione externa maxillarum harum glandularum numerosa collectio, earumque insignis ductus, secretam pituitam colligentes, reperiuntur. Reliqua apophlegmatizanta ore detinentur donec urente & acri ipsorum vi, per pruritus eliciant lymphæ quantitatem è dictis ductibus salivalibus; convulsionem equidem non excitant, quoniam papillulæ nervacæ gustatoriæ ut & adstantia vasa excretoria jam assueta sunt ferendo acrimoniam aromatum quibus apophlegmatizanta hæc desumuntur, quibusque quotidie pro esculentorum condimentis utimur.

X I I.

Exceptis itaque catharticis nonnullis hætenus operatio medicamentorum in primis viis aut ante ingressum in sanguinem demonstrata est. Illa autem, quorum operatione viæ subsequentes naturales evacuantur, vim suam demum peracta circulatione sanguinis manifestant, nisi quandoque externam eorum applicationem necessitas urgeat; Ex his primo eligo genitales vias evacuantia, quoniam ipsis affinia Diaphoretica efficacia superant. Hæc vero quanquam pro triplici evacuanda materia, tripliciter recensentur: Ut Diuretica, Menses moventia, Aphrodisiaca, communiter tamen diureticorum catalogo tantummodo desumuntur; Speciatim autem virtute Diuretica siye urinam ciente gaudent, Medicamenta ex Insectis parata, hæc animalcula enim, quoniam sal volatilius præ cæte-

ris ferunt, mediante illo, largiorem urinæ secretionem, per glandulas ab arteriis Emulgentibus formatas, tubulosque Renales ex inde propagatos, efficiunt; pari modo, quo lympham è poris subcutaneis proritant, quando externe pro vesicatoriis applicantur, medentur insuper pertinacissimæ Renali & vesicali Ischuriæ, dum hujus Paralyfin, accelerato Spirituum animalium influxu tollunt, illius autem viscidum, tubulis & glandulis impactum dissolvunt; Necnon agilitate sua viarum intermediarum Uréterum scl. motum peristalticum stimulant, quo eo melius stagnans alias Urina hisce impedimentis remotis canales suos permeare sufficientiq; copia a sanguine secerni possit, modo ea circumspectione adhibeantur, ne acrimonia illorum caustica & urens gravius malum inferat canalibus membranaceis sensibilibus, quare securius cantharidum, Scorpionum, Scarabæorum, Millepedum &c. infusum cum vino vel olio propinatur, ac si in substantia exhiberentur. Sunt & vegetabilium nonnulla, quibus diureticorum nomen competit, quæ & gustu acria & odore nares fortissime feriunt, quibus etiam involuntarie oculi lachrymas plorant, alias Antiscorbutica dicta, cui morbo scl. laudabiliter resistunt, cujusque fomitem per vias Urinarias è corpore expellunt, ut Allium, Cœpæ, Armoraciæ Radix, Raphani &c. quæ quanquam Insectorum salibus ferocia nonnihil cedunt, virtute tamen non minora æstimanda sunt. Nec postponenda Radicum & seminorum Apii, Petrofelini Endiviæ cum suis analogis, blanda & aromatica vis, qua mite & successive Urinæ secretionem promovent, è quibus asparagi radices Urinam foetidam excernentes præcipuè considerandæ, quarum operationis Ætiologiam tamen non ipsis radicibus, sed purulentæ potius materiæ, aut sali acido Urinis contento, iisque conjuncto tribuere volunt Hoffmannus in Clavè ad Pharm. Schroederi & Sylvius L. I. c. 51. §. 31.

Acidorum volatilium Diureticorum effectum credo dependere, à particulis illorum salinis ab utroque latere scindentibus, quibus dum attingunt vasa fluidorum nostrorum extensa, illa ad contractionem cogunt, sicque excretoria primarum viarum primo attactu claudunt, quo lymphæ ob excitum denegatum stagnans, per remotiores vias, Renales scl. effluere causatur, cui contractioni quoniam accedit corrugatio reliquorum vasorum, vel per consensum vel quod tantum de acido non recipiant, ita lymphæ expressio eo magis acceleratur. Hoc tali modo fieri observamus è suppressis evacuationibus naturalibus, sic menses suppressi per inconsuetas vias sæpius excitum quærunt, ab alvo adstricta Urina uberius mittitur, aut quando subito frigore vasa sudorifera clauduntur, lotii reddendi instinctum sentimus. Willisius Part. I. Pharmac. ra-

tionalis causam a coagulo sanguinis ab acido affuso tradidit, instituitque comparisonem cum coagulo lactis. Interim acida sanguinis circulantis feri separationem facilitare affirmant Scorbutici urinam sæpius reddentes, Notissima horum sunt. Spiritus salis dulcis, tinctur. & Sp. V. Tartarizatus succus Citri &c.

Quæ adhuc explicanda restant, sunt Diuretica balsamica, hisce non ultima laus debetur, ob universalem medelam, quam præter vim suam Diureticam, Organis Urinariis & genitalibus conferunt, Corrigit enim, mundificant, involvunt, detergunt, consolidant, l. stranguriæ ardorem & acre, dolorem nephriticum tensivum & acutum, Renum & vesicæ inflammationes & ulcera foetida, l. meatus seminales à proprii liquoris virulentia excoriatos, quibus omnibus Urina parcior debito l. non absque dolore mittitur, aut ejus emissio plane inhibetur, idque efficiunt suo sale quo pollent volatili oleoso; Abietina, Juniperata, Succinata Cerasorum & Persicorum Malorum nuclei, amygdalæ amaræ &c. Ultimo & Venæ Sectionem quandoque Urinam movere è Riverio & Tulpio duobus Experimentis Clarissimus Ettmullerus demonstravit, nec & hoc sine ratione, Sanguis enim inter præternaturaliter abundans, ob viarum angustiam, nexum habet nimis serratum, nec per vasa jam ab omni latere summe expansa debita agilitate circulari potest, quoniam aeris ipsius intermixti pulsus impeditur, quoinde serum pari impossibilitate, per glandulas transcolat ac aqua transire poterit porulos undique apertos vasis vitrei aut cuprei, Clepsiræ scil. ad marginem impletæ, si hujus orificiò supremò tectò, aeris pressio arcetur, aut dolio, ad summum vino repleto, per orificium epistomii detrahare quid valebimus, antequam ab altero illius latere apertura facta erit. Imminuta autem quantitate sanguinis per V. Sectionem. ille liberius circulatur, lymphæque sic & Urina suis ductibus excretoriis impellitur quam rationem etiam indies institutæ venæ Sectioni subsequens Diaphoresis comprobatur. X I I I.

Medicamenta Diaphoretica quæ jam sequuntur explicanda præcedentibus Diureticis valde conveniunt, ita ut Diaphoretica fortiora non raro per Diuresin operentur. Ducunt hæc humores à centro Corporis ad peripheriam, læsamque transpirationem restituunt; Operationem autem per Diaphoresin s. sudationem 4. potissimum modis absolvunt. Imò enim Sudores propellunt, dum sanguinis motum augent, augent autem illum, quoniam non solum spirituosis suis alcalicis volatilibus particulis attenuant, sed & dum cor earum partium particeps fit, hujus Systole & Dia-

Diaſtole validius ſanguis in vaſa impellitur, curſui circulatorio calcar additur, *lympha* per glandulas ſubcutaneas celeriter tranſcolatur, ut qua data porta erumpere poſſit; Efficiunt autem hoc cujuſvis generis ſalia volatilia ex animalibus parata, ut & aromata maxime volatilia, quare ab eſu piperatorum incontinenter calorem percipimus, Sudoremque in facie promanantem obſervamus.

2. Dum ſanguinem nimis tenuem, nexu ſuo plane diſſolutum, motu etiam maxime turbatum, priſtinum ſervare tenorem cogunt; quod fit, quando acido auſtera Bezoardicis miſta doſi convenienti exhibentur, quæ ſc. & ſanguinem paululum incrassando ipſi juſtam ſuam miſcelam reſtituunt, & vaſa ſanguifera leniter coarctando, motum turbatum inhibent, qua tandem debita miſcela, motuque ordinario reſtituto debitæ Secretiones redeunt, ſicque *lympha* cum materia contagioſa & morbida à laudabili ſanguinis parte per poros corporis ſeparatur, laudantur ideo ſuccus Citri & acetum, quæ non ſolum in febris malignis cum ægri levamine blandum proliciunt ſudorem, ſed & hominem ſanum ad ſudorem diſponunt. In genere autem hæcce remedia nomine Alexipharmacorum inſignuntur, quibus pro Bezoardicis Lapis Bazoar, Cornu Cervi, Radix Contrajervæ Scorzonervæ, & alia hiſce annumerantur.

3. Dum Spirituum copioſiorum impetum cohibent, quo alias fibrillæ muſculorum & tubulorum corporis noſtri nimis diſtenduntur & intumeſcunt, ita ut ſero exhalanti tranſitus denegetur, vigiliis è contrario deliriis, aliisque incommodis æger vexetur. Prodire autem faciunt ſudorem vi qua pollent narcotica, hæc enim quemadmodum ſpirituum agilitati maxime infeſta eſt, ita ſubſidere eos cogit, qua ſubſidentia tubulorum & muſculorum fibrillæ collabuntur, & ſic collecti & agitati vapores eo copioſiores tranſeunt poros, & homo quaſi labore inſigni deſaſſatus ſomno opprimitur: Simile quoddam nobis ſuppeditat febris ardentis aut intermittentis Paroxiſmus, cujus exacerbatione, magnum quidem ardorem, nullum vero ſudoris madorem obſervamus, priusquam æger viribus ferme exhaustus, ob ſpirituum defectum in ſomnum incidit, tunc & veſtes & ſtragula, ſpontaneo ſudore irrigantur.

4. Dum Sanguini ſero neceſſario orbato, novum aliquod & quidem in copia ſuppeditant, quo ſal acre, ob defectum ſeri, in ſanguine abundans diluitur, cumque ſudore exterminatur, id obtinetur & potu ordinario cereviſiæ ſcl. tenuis & ab infuſionibus & Decoctis me-

dica-

dicamentorum Sudoriferorum cum aqua sparatis, videlicet Ligni Guajaci, Sassafras, Radicum Sarsaparillæ, Herbæ Theæ, fabarum Coffee &c. quæ vi menstrui vel extracti, sudorem satis largum proceant.

X I V.

Secundum alteram medicamentorum divisionem §. 5ti, Medicamenta corrigentia, secundum triplex eorum officium triplicia esse indigitaui, prout scilicet vel Evacuationes naturales aut artificiales facilitant, l. si nimia fiant inhibent, vel quod animis contingentibus perditum est, restituunt. Vidimus è præcedenti tractatione Evacuantium, ea plus vel minus ratione ipsorum acrimoniæ fortioris vel lenioris, agere, notum vero est nullum acre actiones suas prosequi posse, si virtuti ipsorum contraria quædam occurrant, aut si vasa ejaculatoria non pateant egressui exterminandorum. Quare Corrigentium Evacuationes facilitantium, ea debet esse virtus, ut evacuantibus contrarium acre intra viscera latens, alterent, id est ut vim eorum debilitent substantiamque immutent, & hanc omnino à selectis corrigentibus sperare possumus. Seliguntur ergo pro præparatione humorum ante Evacuationem, acrimoniam latentem, purgantibus noxiam, obtudentia, & obstructions referantia. Acrimoniam obtundunt, omnia corpora solida & tenacia, quæ autem acrimoniam habent, sunt salia in liquidis dissoluta, sic in motu constituta; hæc enim quoniam spiculis prædita sunt, pungunt iis vel rodunt quicquid attritu contingunt, si ergo talia iis opponuntur quæ vi ipsorum cedere nequeunt, aut si cedant, illam tamen eludunt, illa pro approbatis corrigentibus habentur, quod vero id solida & tenacia efficiant, manifestum est, comparemus saltem actionem læsam eorum quæ pari vi cum salibus acris, versus hæc moventur, sic instrumentorum scindentium & pungentium, quæ nobis in quotidiano usu sunt, acies l. mucro, contra corpora solida & tenacia adactus immutatur & corrumpitur cultri vel acus cuspis contra lapidem vel ferrum trita se reflectit, aut hebes redditur si corium vel crassa charta illa pertusa sit. Nulla alia ratio est eum salibus, siue enim sint cubiformia, triangularia, hexangularia, quocunque modo versus solida impelluntur, de sua acie aliquid perdunt, lævigantur enim propter resistantiam corporum & omnes eorum mucrones rhomboideam formam obtinent; Tenaciorum corporum hæc est indoles, ut facile cedant, cedendo autem impetum omnem eludant, l. racematim dum connectuntur, haut facile destrui aut penitus resolvi possint, sed potius quoniam in amplum se extendi patiuntur, ingressum quidem adactorum permittunt, non autem regressum, quare tantundem motus in se recipiunt, quantum cuique moli

in ipsa invēhenti, adimunt. Solida quibus dicto modo enervare humorum acrimoniam ante evacuationem possumus, sunt quævis terrea simplicia s. animalium concreta, latos poros habentia, ut ostracodermata, Cornu Cervi, l. mineralium calcinata, aut nonnulla ex iis in substantia exhibita, præprimis martialia, quæ minutiorum pororum & compactioris substantiæ sunt, omnia hæc prælaudata virtute gaudent, ita ut quo durioribus vehementior sit actio acriorum, eo major eorum hebetudo fiat, sic vinum acidum ab injecta creta dulcescit, affusum acidum oculis Cancrorum, marti, plumbo vel. stanno insipidum fit. Tenacia sunt omnia pultacea, oleosa, balsamica, hæc enim quamcunque aciem & acrimoniam inertem reddunt, includunt scil. intra poros suos, ut quasi in vagina reconditæ lateant, & quo pluribus hamulis reflexis prædita sunt sala, eo firmitus includuntur, ut contingit cum acido austeris, quæ per microscopium ab uno latere scindentia, ab altero instar ferræ formata apparent: Quicquid ergo in ventriculo aut aliis parenchymatibus latet, illud oblinunt tenacia, ne corrodere & corrodi possint, edocet id methodus Sculptorum in ære, qui, si prima lineamenta formarum cum aqua forti cupro imprimere intendunt, totam laminam cera obducunt, relinquendo saltem rimas pro forma imprimenda apertas, sicque per 2 & plures dies Aquam Fortem corrosivam infundunt, absque læsione spatiorum cera munitorum,

Præter hæc solida & tenacia, limpida quoque prostant corrigentia, quæ flexibilia sunt, undique interstitia corporum permeare possunt, ut sunt aquea, vel & spirituosas quorum dulcedine acida temperantur, si ex acidis sint alcalia ligantur, modo ea cautela observetur, ne contrarium contrario immediate obtrudatur, sicque vehemens effervescentia cauletur naturæ inimica, sed aliis admista & temperata pro respectu dosis parce & large applicentur.

Quæ nunc obtundendo alterarunt acrimoniam humorum, pro certa circumstantia & obstructions referare possunt, si enim contingat vasorum obstructio ab acidis, quæ rodendo fibrillas eorum contrahunt, & angustant, si viscidum hæreat in visceribus & vasis fluidorum aut nervos simul obstruat, commode hæc à jam explicatis removeri possunt, sublata enim causa tolletur effectus, corrigantur acida obtundentibus & vasorum contractio & spasmus sublatus erit, viæque liberæ patebunt, diluatur viscidum aqua, sejungatur Spirituosis alcalinis & vasa etiam hisce reclusa erunt, ventriculus & Intestina ab exhibendis moveri poterunt, sicque facilitata erit Evacuatio.

X V.

Evacuationes nimix naturales contingunt, quando acri rodente vasa irritantur & eroduntur, ut liquidum in iis contentum copia plusquam ordinaria extravasetur intra corpus, vel externe eliminetur è corpore, vel quoniam massa sanguinis nimis fluida est, & pori ampliati sunt. Artificiales vero fiunt à medicamentorum ferocia, confortata ab interno compari latice, hisce nunc obex ponitur, si sanguinis massam nimis tenuem paululum inspissando corrigamus vel poros nimis apertos quantum licebit angustemus; quare ea Corrigentia quæ titulo Incrassantium & Adstringentium nota sunt hic vexillum ducunt: Incrassantia & hic sunt terrea sjo præcedenti jam enumerata, eligenda vero talia partim quæ nondum acidum inbiberunt, sicque eo melius acrimoniam erodentem obtundere, & tenue, & in illo tenui volatile, absorbere possunt; partim quæ acidis prius dissoluta fuere ut lapides 69. vel acidum adjunctum jam habent, ut lapis Hæmatites, Bolus Armena, hisce enim & alcalinæ naturæ quod est in sanguine corrigitur, & limpida ejus consistentia aliquantulum coagulatur, quare & acetum ipsum laudem insignem in Peste meretur, accedere possunt hisce, vegetabilium corticum terrestres & oleosæ partes, ut sunt Granatorum; sub oleosis intelligimus gummata non multa salia inclusa habentia & frigida dicta, ut Tragacanthum, sanguis Draconis, hæc lentore suo valde temperant fluida & compescunt celerrimum illorum motum. Eandem virtutem hæc exigunt, si pori coarctandi sunt, quicquid enim particulas flexiles & globosas fluidorum contrahere & invicem conjungere valet, idem & id præstabit, quando teneras fibrillas vasorum laccidas attigerit; Hæc tam interne quam externe nunc applicantur, nec hic silentio prætereundus aer frigidus, cui enim si nos exponimus, subitus horror corpus invadit, & poruli vasorum excretoreorum, instar papillarum contracti apparent, sic & aqua frigida horrendas hæmorrhagias quandoque sistit, licet in loco ab extravasatione remoto applicetur: Cutis enim, in quam omnes fere nervi terminantur, qui extremitatibus suis universale hoc obvelamentum contextunt, hac ratione una in parte corrugata, in universum se contrahit, vasorumque orificia, quæ nervaceæ huic texturæ interposita sunt, claudit.

Quod attinet artificiales evacuationes immodicas, hæc quoad partem à jam laudatis frænantur, partim etiam quando ab illorum ferocia motus convulsivi oboriuntur, qui & non raro naturales concomitantur, spirituosus & narcoticis compescuntur, quemadmodum id in vomitu expertum habemus, ubi aqua Cinamoni & opii Laudanum interdum pro
prin-

principalibus domitoribus agnoscuntur.

X V I.

Hiscæ nunc notis, videntur quidem Anodina singularem classẽ exigere, verummodo quoniam dolorum causa ab obstructione indeque denegata lymphæ evacuatione oritur, quæ lymphæ stagnans vitium capit & acris fit, sicque in illo loco inclusa, rodit, vel denegata ordinaria via, aliam inconvenientem quærit, haut necesse esse puto, ea hic loci commendanda corrigentia, quæ jam in præcedentibus paragraphis recensita sunt, iterum de novo repetere. In horum autem numero Narcotica hoc tamen peculiare habent, quod, quanquam oleosis suis particulis involvant acrimoniam rodentem, insimul spiritibus inmodicum ad locum vellicatum ingressum præcludant, eo magis enim augetur dolor, quo magis fibrillæ musculorum & nervorum ab horum copioso influxu distenduntur, qua ratione autem hisce transitum denegent narcotica? est, quare inter se dissentiunt authores. Willisius credit hoc pendere ab opii, per consequens & cæterorum, acido sulphureis particulis, contra quas dum impellunt spiritus, illos quasi attonitos redditos fugari, quoniam naturæ suæ volatili contrarium reperiunt. Ettmulleri & Wedelii sententia est, Narcotica, simulac in ventriculo degesta, aut per fermentationem resoluta sunt, tales subtiles exhalationes emittere, quæ omnes tubulos præprimis angustos quasi nebula replent, & sic spiritibus nullum quasi concedunt meatum, quorum absentiam aut denegatam solitam actionem soporosi tunc effectus & somnus subsequitur. Melius adhuc hæc se tali modo contingere, concipimus, speculantes, hæc exhalationes non adeo puras è viscido suo liberari, quin oleosi adhuc quid illis adhæreat, sicque se insinuantes inter nervorum substantiam, non posse hoc fieri absque compressione aliqua, causata à spiritibus transfluxum quærentibus, hacque compressione coactas à spiritibus exhalationes aereas narcoticorum, vim suam elasticam fortius exercere, ac regressum ob spirituum animalium instantiam non habentes, se tanto magis distendere, non absque extremitatum nervorum compressione, sicque subsidientiam musculorum languorem, vertiginem & somnum indeque nullam amplius dolorum perceptionem nos habere. Comprobant & id omnes ab obnebulatione vaporum vini recentis l. multi inebriati, l. effluviis rerum incensarum Carbonum ligneorum aphony reddit, Dolores non sentiunt Maniaci, aut qui alias obstructione nervorum per intervalla laborant, l. quorum spiritus huc & illuc inordinate divagantur, hi ipsi se vulnerant non sentientes, nec ullius periculi præ-

sentis vel futuri memores sunt, sic Turcæ prælium ingressuri se temulentos reddunt suo Maschlach, sic Tabici fumus non assuetos vertiginosos reddit & Lipothymia afficit, fumus seminis Hyoscyami ad vermes eliciendos dentibus applicatus, caput vertigine obruit, hinc fœminæ Indorum ut recenset Tevenot in Itinerario suo, semine Datura ex fructu Plantæ Strammonii collecto, aphonos maritos reddunt, ut apertis oculis, lascivias, ab ipsis in illorum præsentia peragendas, videre non possint, sed statuarum instar, corpore præsentis, mente vero remoti videantur.

X V I I.

Ultimo determinandum venit, quomodo illa quæ ab evacuationibus nimis perdita sunt reparare possimus, Perduntur autem illis, vires, quando scilicet fluidorum excretio nimia fuit, quorum privatione nec solida plus integra consistere possunt, sed consumuntur ut id atrophiam partium demonstrat. Hæ nunc analeptis sive reficientibus restituendæ sunt, ita, ut pro quantitate vel qualitate deperditi & restituentium consistat refarcimentum. Notum est ex Sanctorii Medicina statica, quod plus per insensibilem transpirationem indies abeat, quam per notabiles excretiones, quæ quidem Evacuationes insensibiles, cum ad sanitatem multum conferant, non nimis habendæ, in quantum defectum ex inde natum, necessario cibo & potu restituimus, quod si vero longa inedia harum nullam habeamus curam, æque deleteriæ evadunt ac cæteræ, quare victus ordinarius sæpius primum locum inter analeptica obtinet, quod experiuntur ægri, quorum vires, ab inedia propter requisitam Dietam aut depravationem appetitus, debilitatæ, vel evacuationibus artificialibus, necessariis tamen, exhaustæ si sint, citius eos requirunt, è pistorum & cerevisiariorum quam Pharmacopœorum officina: strictiori tamen sensu si considerare volumus analeptica; 1^{mo} Aquosa spiritibus imprægnata, ut sunt Aquæ stillatitæ, talia dicuntur, quatenus contentos antea in sanguine humores & cum illis exhalatos spiritus regenerant. 2^{do}. Omnia Balsamica sive olioso spirituoosa, vel è terra concreta sint, ut Ambara & Succinum, vel ex animalibus & vegetabilibus collecta, ut Moschus, Castorium, & omnia aromatica & 3^{tio}. ex iis parata salia volatilia & Sp. ut cornu. sal & Sp. Sp. salis ammoniaci. talia credimus, omnibus enim iis spirituum secundum naturam suam facile evaporabilium fit recuperatio, hinc inde & senes qui juvenibus magis Spiritibus indigent, plus ambara & moscho quam ulla alia materia succulenta recreantur, rigidi enim cum eorum tubuli muscularesque fibrillæ jam factæ, & sufficienter extensæ, supra modum pluribus spirituosissimis impleri debent, quam antea necessarium erat, cum nondum ad extrema diductæ essent.

Memo-

Memoriæ etiam læsæ vel ficcitate nimia, vel humiditate, analepticiis omnibus egregie subvenimus, quoniam à priori causa, plicæ ab inundatione Spirituum, pro retinenda Ideæ repræsentata cerebro imprimi nequeunt nisi ficcitas cerebri, irroratione cum humido eoque Spirituoso temperetur: à pesteriori vero, quando jam impressæ sunt, facile delentur, nisi aromaticis & volatilibus humiditatem nimiam evaporare studeamus quamobrem cum tam Spiritus consumptos suppleant, quam debiles præsentent augent roburque concilient, corroborantia dici solent; sunt & hæc quæ alias recto nomine Cardiaca appellari solebant, quoniam cordis & arteriarum pulsus languidum reficiunt, cum autem hodierni Medici, Cardiaca in latiori sensu interpretantur, nec ego tam mordicus veterum vestigiis insistere contendam, sed cum illis hæc explicata, pro cardiacis primi generis, reliqua pro secundi generis Cardiacis agnoscere volo.

X V I I I.

Eadem nunc ratio operationis medicamentorum tam Evacuantium quam corrigentium est, siue interne siue externe applicentur modo quod duplicatam acriorum dosin usus externus exigat, in quantum nobiliores partes, loco afficiendo subjacentes, intactæ relinqui possunt. Sic acriora Evacuantium rosione luxuriantem carnem & sphacelum tollunt, fontanellarum fovea ab iis eroditur, cuticulâ elevatâ lymphæ copiam eliciunt externè è poris sudoriferis, quando tener & timidus æger ferrum & ignem metuit, Blandiora horum ut & corrigentia pro resolvendi, emolliendi, dolores sistendi ulcera mundificandi intentione adhiberi poterunt, quæ alias interne ut Cathartica, deobstruentia, adstringentia, diluentia, acrimoniam involventia, in auxilium vocantur, quare non diutius in illis moror, sed confero me ad id, quod est summa dissertationis.

X I X.

Præmissa tali modo medicamentorum operatione rationali, eandem malam & contrariam quandoque se contingere concipio *Imo*. Quando medicamenta præter intentionem in excessu vires suas exerunt, insimul graviora Symptomata morbum antea non concomitantia producunt, 2do. Quando in defectu peccant, nec requisitos effectus edunt, 3tio. Quando contrario & inverso modo operantur.

X X.

Secundum primum modum enormiter agunt vomitoria, quando internam ventriculi tunicam ita lædunt & lacessant, ut eventientes ejus in-

de convulsiones indefinentes continuent, ejecta licet omni contentorum copia, quam actionem tandem lethalia & insueta mala subsequuntur. Vomitus videlicet sanguinei, dum vasa ventriculi vel erosione aperiuntur, vel nimia concussione anastomoses vasorum pulmonalium fiunt, Apoplexiæ sanguinæ dant ansam, quando pariter in Cerebro tali vi sanguis extravasatur, & ventriculos ejus obruit, aut subsequitur pituitosa apoplexia, quando pituita ex suo latice ad summitates nervorum protruditur: Patiuntur & alia sensus organa hoc intempestivo excitato motu, oculi quidem noxam inde trahunt, quando vasa eorum sanguifera & lymphatica disploduntur, suumque liquorem intra tunicas, humores visui ordinatos obvelantes, una vice effundunt, qui deinde stagnans in Cataractam concrevit. Pari ratione Tympanum dissilire potest, cum subsequente surditate incurabili; Sic & non raro Herniæ inde notantur, vehementem corporis concussionem pro causa agnoscentes. De cætero ad deliquium animi adiguntur ægri, & licet salvi vix evadant, tanta tamen ventriculi tono remanet depravatio, ut ne cibum quidem dehinc excipere queat, quin incontinenter rursus reddat.

X X I.

Purgantia vehementia, quanquam non adeo horrendos casus, producant, vomitoriis tamen interdum nil ferocia cedunt, quando nimirum excoriant interiora intestinorum, incredibilesque cruciatus excitant, illorum acrimonia sæpius eroduntur oscula vasorum sanguiferorum intestinalium, unde Dysenteria, Hæmorrhoidum fluxus, relinquunt & procidentiam interioris tunicæ intestini recti, & ani Tenesmus, vel quorum aliorum eventuum non sunt causæ? quando uno die 30. l. 40. vicibus alvum movent, quô factô omnia liquidiora in totum excernuntur, crassiora vero remaneant, glandulæ Mesenterii obstruuntur, quæ alias chylo vehiculum ad sanguinem suppeditabant, & sic illo non pro sanguificatione lymphæ sufficienter misto & diluto, nec bona sanguificatio nec commoda appositio succi nutritii ad solidas partes speranda, sed universa corporis tabes & ob vasorum excretoriorum, à relicto crasso viscido, universalem obstructionem, Cachexia, Icterus, Hydrops, & innumerabilia alia mala propignuntur.

X X I I.

Diaphoretica in excessu peccant, quando adeo serum per peripheriam corporis educunt, ut æger illo omni exhauriatur, unde simul ingens Spirituum animalium deperditio, nullo consilio reparanda, madent illa Massæ sanguinæ in serum colliquatione, omnia stragula, indusium omni semihora mutatum quasi aqua extractum apparet, quicquid maligni-

gnitatis hæret in sanguine, uno impetu ad cutim propellitur, variorum miasma majori copia per poros sudoriferos exitum quærit, quam patuli illi sunt, unde graviora fœda ulcera, cogitur & in excretionem peccatiarum bonum cum malo transire, quæ vero simul eo adactæ transire nequeunt, occludunt penitus poros, inde in tali morbo necessaria libera transpiratio impeditur, verbo, ægri brevi post cum summo animi deliquio intereunt.

X X I I I.

Quando Diuretica modum in actu excedunt non solum mala in præcedentibus enumerata metuenda sunt, sed & sero copiosius excreto in ipsa organa agunt, eorum enim vi salinæ particulæ nonnullæ intra oscula angustissima vasorum excretoriorum impelluntur, eaque distendunt, ita ut deficiente sero, æther liberum transitum non inveniens, per interstitia angulosa spiculorum salinorum, fulminis & fulguris instar permeet, quare inflammationes Renum causantur, mictus cruentus notatur, ureteres tandem & vesica acrimonia illa salsa excoriantur, uretra læditur, & Patiens quoties urinam reddere tentat inexplicabili dolore afficitur.

Similia quoque pericula portendunt reliquorum Evacantium vehementes operationes, Clysterum scilicet. Expectorantium, Sternutatoriorum, Salivantium, menses moventium, vel interne vel externe exhibitorum, quæ omnia singulatim recensere, tædiosum esset, dum jam è præcedentibus recensitis ad maximam partem patent, vel inde colligi possunt.

X X I V.

Corrigentium noxa non levis est, quando interne cum intentione bona exhibita primas vias debilitant, fermentum ventriculi destruunt, nimis pro adjuvandis aliis medicamentis stimulant, aut ligant, vel etiam corrigendo unum motum, cum obveniente heterogeneo novum incipiunt, & in tertiam massam degenerant, aut quando externe adhibita, non determinate agunt, sed extra cancellos ruunt, quibus leffectibus, cruditates, obstructions, partium nobilium læsiones, & multa alia jam prædicta damna surgunt.

X X V.

Secundo Medicamenta in defectu nocere possunt, quando vel plane scopo non respondent, vel quando humores aliquo modo quidem movent sed non educunt, aut subigunt, quoinde majores turbæ inducuntur, inanes scilicet egerendi conatus præcordiorum anxietates, Regionum pleuræ & Hypochondriorum dolores, suffocationes, Epilepsiæ, articulo-
lorum

lorum infirmitates, Paralyfes, & hujusmodi alia passim a Practicis notata.

X X V I.

Contrarie operantur medicamenta, quando Evacuantiâ magis obstruunt quam ut evacuent & vice versa, aut quando non debita via evacuant, sed vomitoria Cathartica fiunt, Cathartica vero vomitoria, vel quando hæc per Diaphoresin, Diuresin, aut Mensium fluxum educunt, hisce vero viis dicata medicamenta non eousque penetrant, sed primas vias purgant; eadem porro est ratio Corripientium perversi effectus, eorum præprimis, quæ facilitare dedebant evocationes, eas potius supprimunt aut quas inhibere debebant promovent, quando analeptica posternunt vires aut narcotica vigilias excitant, anodina dolores exacerbant, & sic porro. Quo universo operandi modo & scopus mala quævis evitandi invertitur, & in pejorem statum perducitur æger.

X X V I I.

Hæcce nunc melius explicanda. 4 Causæ accidentales considerandæ veniunt, quarum ratione potissimum mali & contrarii medicamentorum effectus notantur. Medicamenta enim, quorum vis noxia & salutaris unicuique experto medico nota est, secundum operationem eorum mala esse nequeunt, nisi ab accidente aliquo, puta: Pharmacopæi culpa, vel vitio Ægri, vel Humororum nostrorum vitio, aut intempestiva Applicatione, mala reddantur & invertantur.

X X V I I I.

Prima Culpa malæ & contrariæ operationis medicamentorum, in tantum respicit Pharmacopœum, in quantum ab illo vel dolo, (quod quidem non semper sperandum) vel inscio, vitiata veniuntur medicamenta. Male enim agit Pharmacopœus, qui ipse præparationes medicamentorum non administrat, sed lucri causa nimis fidet impostoribus, hæcce jam parata viliori pretio in copia offerentibus vendibilia, qualia interdum ad pondus aggravandum inutilibus & noxiis mista, si deinde componendis admiscentur, è medicamentis alias laudandis, nunc condemnanda conficiuntur, quamobrem non immerito Hoffmannus in Clave ad Pharmacopiam Schrœderi cum aliis cordatis Medicis indefesse monet mercurium sublinatum ante præparationem Cinnabaris antimonii accurate esse examinandum, an Arsenici quid admistum habeat, quo sæpius adulterari solet, ne sc. ex egregio illo Anti Epileptico, Epilepticum conficiatur.

Vel etiam illicitum illi est secundum vulgare Proverbium, una fidelia

delia duos dealbare parietes, seu uno Processu, duo vel plura medicamenta una proferre, puta talia, quæ separatam præparationem requirebant: quando v. g. sub destillationem Clyssi antimonii, simul antimonium Diaphoreticum obtinere vult, quo vero maxime errat, notante enim Wedelio, nec sulphur antimonii superficiale, deflagrari in clausa Retorta poterit, nec calcinatio prompta erit, quoniam ignis fusorius non Calcinatorius Destillationi Clyssi applicatur, quo dum funditur materia, non ex antimonio, Diaphoreticus, sed Croco Metallorum aut vitro antimonii similis pulvis paratur.

Nec prædicandum studium nonnullorum, qui elegantiae gratia aut ad medicamenta diutius conseruanda, noxia in præparatione iis adiungunt, qui scl. sublimandis floribus sulphuris vitriolum commiscunt, ad flores albidiores obtinendos, aut solutioni salis tartari, alumen addunt ad Crystallinos majores obtinendos, aut salia alkalia volatilia à deliquio hisce præservare student, talibus enim medicamentorum vires enervantur, aut degenerant illa in tertium virtuti ipsorum plane contrarium, scl. ex aperientibus, expectorantibus, potius adstringentia, coagulantia, & pectori noxia evadunt.

Sic & nonnullorum peruersus mos est, qui, quando à Medico præscripta parata non habent, alia medicamenta substituunt, secundum eorum judicia, veris æquipollentia, cum tamen medicorum intentionem ignorent, nec semper congruat, quid pro quo supponere, quoniam medicamentorum qualitas distincta est, quare non idem erit, pro uno mercurio alterum eligere, cum ruber albo gradu agendi superet, aut loco aquæ destillatæ cum vino, ejusdem speciei aquam spiritu vini destillatam l. aquam vitæ dictam mixturis addere, quemadmodum enim priori, leniter confortamus ventriculum debilem, aut febre exhaustas vires blande refocillamus, ita posteriori, ventriculum sic constitutum exæstuiamus, febricitantiumque Phlogoses augemus.

Pariter nec medicamenta per aliquod annos in officinis asservata sicque putrida, acida, rancida reddita, ut sunt succi, sacharata, oleosa, aut quæ tractu temporis coriosa fiunt ut radices, desideratam opem ferunt, sed gratia eorum demulcendi, l. purgandi vis, perit & contrariorum inaniumque effectuum causæ fiunt.

Potest etiam error à Pharmacopoeo committi, quando medicamenta ipsius præparationi commissa, in inconvenientibus vasis miscet vel asservat. v. g. si vellet acidiuscula metallicis vasis subigere aut asservare, efficeret, ut medicamentum refrigerans vel adstringens, indueret naturam metallicam rodentem

D

quem-,

quemadmodum Ettmüllerus Doctrinæ Practicæ Part. I. Pag. 106. observavit ex usu aceti, plumbeo vase asservati, Dysenteriam productam, quam & Lindanus notavit ex usu pluviae stillatæ à Canalibus plumbeis tectorum, à præcedente diurna siccitate effloratis. Sic & terrea duriuscula, forti contritione alcoholisanda, quando in cupreis vel plumbeis mortariis tunduntur & circumgyrantur, scabritie sua de lateribus vasis semper quid abradunt, indeque nigrescunt, quæ deinde magistralibus mista, & pro scopo corrigendi exhibita, vomitum insperato procreant, ut enim nudo saccharo, vermium communi pabulo, verum antihelminthicum paramus, illud scilicet absque ullo addito in mortario plumbeo ad nigredinem terendo, qualisne contraria vis indueretur, tali modo leviori contactu metallis contaminabilibus.

Accidit quoque interdum incuriâ, ut à Pharmacopœorum ministris, pharmaca nonnulla deprompta, inordinatis pyxidibus reponantur, quibus tertius superveniens, magis ad inscriptum nomen pyxidum quam ad contenta attendens, lethalia medicamenta componit vel quando pluribus administrandis occupati, non ad singula attentis sunt, & festinando minus bene characteres formularum animadvertunt, sed æquivoca arripiunt, venenosa interdum pro non venenosis, quam negligentiam, miseri decumbentes, postmodum subitanea morte luere debent, quemadmodum hujus recordor quondam commissi, dum loco Cydoneorum Cinamomifati, Extractum Cydoneorum opiatum porrigebatur, cum subsequente subitanea morte duorum infantum nobilioris familiæ, tertio vix superstite evadente: Quale exemplum & Valentinus in Musæo Musæorum recenset de Pharmacopœo, qui Trochiscos Alhandali lo-

co Trochiscorum Alkekengi vendiderat. Sic si \div loco \div arriperetur, vel ∇ Fort. pro ∇ Font. ob characterum aliqualem similitudinem.

X X I X.

Secundo, ægri vitio medicamenta optatam non pertingunt metam, ob malam antecessam Diætam, Animi Passiones, & ob Regimen malum post assumptionem. Si enim nuda consuetudine, præter necessitatem, in statu scilicet sano, medicamentis abutimur, fit ut ventriculus cum reliquis organis iis assuefiat, quibus deinceps abstinere non possumus, natura autem non modo debilitetur, sed & morbis aperiantur fores, medicamentis urgente necessitate difficile infringendis. Quando nunc multi suasu calendario graphorum, certis anni temporibus, aut monente Helmontio more Rusticorum Brabanticorum, ut strenue in conviviiis potare possint, venam secari curant, posthac quando evacuatione sanguinis

guinis opus erit, ad grandes quosque effectus tollendos, venæsectio iis in efficax est, secundum Willis. Pharm. rat. Part. 2, p. 202. imo male se habent, nisi Vere aut Autumno vel consuetis temporibus secantur. Sic qui aqua vitæ, & ad nectar illud suavius reddendum condimentis aromaticis fortioribus assueti nimis sunt, illisque sub specie medicamenti stomachici omni mane abutuntur, languentes nullo deinde spirituofo refici possunt, ventriculus invalidus erit, ad cibum mediocrem concoquendum, nisi quovis prandio igneum hoc vehiculum assumatur, spiritus vero animales & vitales hujus calore exaltati, remanente viscido evaporantur, ut exinde Hydrope correpti, sub intumescentiam corporis deplorent inprovidam ventriculi curam. Alii hoc evitando in contrarium currunt, dum nimium Aquæ Theæ vel Coffee potui indulgent, quo & ventriculus cum intestinis flaccidum reddunt, Humores, fermentum ventriculi, Bilem, Succum Pancreaticum, ad Chylum pro sanguificatione præparandum & corrigendum aptos, nimium diluendo ineptos reddunt, præsertim quando concoctionem ciborum finitam non expectant, sed finito prandio statim illum superbibunt, quare postmodum, quod longa consuetudine depravatum est, brevi tempore medicamenti restitui nequit.

Pari ratione ægri culpa sæpius fit, quod medicamenta Narcotica ad somnum conciliandum, aut in affectibus soporosis acria ad excitandum suo non fungantur officio, quando Tabaci suffumigio aut pulveri ipsius pro usu sternutatorio deditus fuit. Notamus etiam, quod abusus fumi Tabaci, qui alias ad mitigandos catharrhorum dolores, circa membranas cerebri & dentium hærentes suadetur, per abusum illos potius exacerbet, quoniam ad illa loca suctu magis attrahitur salsa lymphæ, & corripuntur plurimi hocce excessu dentium dolore, qui antea illo immunes erant. Sic qui elegantiae magis quam utilitatis gratia sternutatoriis delectantur, glandulas membranæ pituitariæ interiora narium obvelantis, plus obstruunt, quam ut deobstruent, quid mirum si data occasione necessarium iis incassum adhibeatur, ne dicam de excitata crebriori sternutatione noxia, minimeque ut secundum vulgi opinionem salutari, ob lethale accidens, à cerebri concussione metuendum.

X X X.

Animi passiones, quæ ægro inter assumptionem medicamentorum obveniunt, multum eorum operationem vel inhibere vel augere possunt, sunt enim commotiones mentis nostræ, quæ vel è cogitationibus de rebus præteritis concipit mens, vel quæ illi excitantur, à spirituum ani-

malium in opinato motu, orto ab objectis præsentibus vel gratis vel adversis: eaque proinde est lex conjunctionis mentis cum corpore, ut ad certos coporis motus certæ fiant mentis cogitationes, & ad certas mentis cogitationes certi fiant corporis motus. Hæ nunc Passiones, quemadmodum cum reliquis rebus non naturalibus, multum ad sanitatem nostram conservandam vel restituendam tribuunt, ita eadem ex iisdem sæpius læditur, id quod ex effectibus harum commotionum in corpore nostro dignoscitur, quippe si perpendamus, quot genera morborum, vel ira, vel terrore, vel tristitia, causantur, quando sanguis mox ad vitiosam & vehementem ebullitionem excitatur, mox in motu retardatur vel plane supprimitur, pro enata mentis perturbatione. Eadem & ratio est abolitæ vel auctæ operationis medicamentorum; Ut enim morbi, qui fluida & solida corporis nostri invadunt, & destruunt, maxime exacerbantur, ab accedente animi passione, vel fluida per determinatos spiritus ad graviolem excandesceniam stimulant, vel denegando Spiritus, supprime, vel tolluntur morbi interdum, quando scl. vasis & fibrillis constrictis, fluidis retardatis, rursus redditur agilitas & motus, à blandiori & jucundiori menti accessa commotione, in qua si acquiescat aliquamdiu mens, & spiritus vehementes, ut in furore circum circa rotantes, blandiorem acquirunt motum, vel & segnis cordis & arteriarum pulsus, hisce, à mente excitata, commotis, stimulat. Sic & medicamenta, quanquam nobiliori fine, agunt in solida & fluida nostra, eorumque operatio pari modo ab aucto fluidorum motu, orto ab animi affectibus, stimulat, aut à coagulatione horum, irrita redditur. Quando igitur ægro exhibentur medicamenta, vel odore vel sapore ingrata, menti sistitur idea aversionis, à commotione insueta organorum horum sensoriorum, aut hujus ideæ repræsentationes adhuc memoriæ inhærent, à re nauseosa antehac assumpta, & occupata est molestis hujusmodi occupationibus, hinc & fauces & ventriculus, qui excipere ingratam rem debent, à mentis inquietudine commoventur quoniam spiritus animales cursum suum ad mentis nutum eo dirigunt, ad causam molestiæ removendam, qua actione & reactione, fastidium vel nausea excitatur, auctaque nausea ventriculus digerere assumptanequit, sed commotionem tamdiu patitur, donec per ultimum nausæ gradum vomitum scl. ingesta rursus ejiciat, & licet nondum ingesta sint, nihil ominis tamen stimulus ut à rebus assumptis quandoque movetur, quale exemplum legimus, in Bonetti observationum altera Parte, Medicinæ Septentrionalis, qva mentio sit Purgantis, ab audito tantum medicamento pur-

purgante purgati. Sic ut externa objectis sensus moventia, mox invertere mox facilitare medicamentorum vim valeant! Non minus jucundam quam memorabilem Historiam hac de re recensitam, invenimus apud Authorem Gallicum d' *Elite des bons mots & des Pensées choisies*, quæ secundum authoris verba sequens est. *M. d' Aligre, Pere de M. d' Aligre, Chancelier de France, étoit d' un temperament si froid & si difficile à émonvoir, qu' on ne pouvoit le purger. Son Medecin, qui sçavoit bien, que quand les humeurs sont une fois émûes, elles sont capables d' un plus grand mouvement, & par consequent d' être purgées, ordonna secrettement, qu' on tacherait de mettre M. d. Aligre en colere, & que dès qu' il seroit emû, on lui feroit prendre sa Medicine. Le valet de chambre de M. d' Aligre ne negligea rien pour faire reussir la chose, Dès la pointe du jour, s' aprochant du lit de son Maître, il en tira les rideaux avec une précipitation capable de surprendre & de fâcher un homme qui s' eveille en sursaut. Mais M. d' Aligre, sans s' émonvoir, demanda tranquillement; Quelle heure est il? le valet de Chambre ayant manqué son coup, s' avisa de bruler la chemise de son Maître, & de lalui apporter toute en feu M. d' Aligre toujours froid, se contenta de lui dire Chauffez en une autre. Tout cela ne faisant rien, le valet de Chambre d' un coup de coudé, cassa cinque ou six verres de verise; que son Maître aimoit- & ce Maître, aussi peu emû qu' auparavant, dit tout doucement; C'est dommage, ils étoient beaux. Enfin le valet de Chambre au desespoir ne s' attendoit plus à rien, lors qu' il arriva un homme, qui avoit une affaire très épineuse au Bureau de M. d' Aligre. Cet homme étoit vêtu de taffetas; & comme il parloit avec beaucoup d' action en defendant sa cause, cette étoffe faisoit une espece de sifflement à l' oreille; qui chagrinant M. d' Aligre, l' impatienta, & lui fit dire tout en colere: Faites taire vostre habit, Monsieur, si vous voulez que je vous écoute. Le valet de chambre voyant son Maître ému, lui presenta la Medicine, & elle eut son effet Sic & à Tarantulis morfi, dulci sonitu instrumentorum musicorum ita afficiuntur, ut ad saltum incitentur, usque ad lassitudinem corporis sudoris & venæi expulsionem, certis etiam in Regionibus ideo jam citato authore morem esse creditur, ut balneatores & Barbitonsores frictiones & capillorum præcisiones secundum tonum musicum peragant, non solum ad recreandum animum, sed & tali recreatione sudorem promovendum. Cum igitur tali modo medicamentorum motus facilitent, quid fiet si hæc positiones animi hominem, lenioribus medicamentis facile mobilem, corripiant.*

X X X I.

Denique ægri rigimine malo post assumpta medicamenta, horum

D 3

quan-

quandoque malus & inversus effectus notatur, quo nimirum ille post habito fideli consilio Medici, neglecta decenti Diæta, corporisque infirmitate, quæcunque appetitui suo grata sunt, corporique magis com-
moda videntur, libentius eligit, licet noxia valde sint. Exigit autem regimen moderatum præprimis Quietem & Abstemiam, hisce juxta Hippocratis effatum, magni curantur morbi, iis nemque ipsis optatus me-
dicamentorum successus maxime promovetur. Quicquid vero malum recrudescere facit, paroxismos febiles sæpius reduplicat ægrumque de bono signo reconvalescentiæ gaudentem, subito interdum suffocat, intem-
perantiam & corpori subtractam quietem agnoscit; Quæcunque itidem medicamenta repleto stomacho assumuntur, neque debita & quieta corporis dispositione in operatione foventur, neutiquam præstanda præ-
stare poterunt, sed fatiscunt & cursum debitum non absolvunt. Qua-
mobrem nisi æger imperatum jejunium attendat, efficit ut medicamen-
ta parua dosi assumpta, interpositione cibi & potus, per se jam parti-
culis suis viscidis salinis, spirituosiss, aut aquosis, horum vim medicatam destruiere valentia, nimium à se inuicem sejungantur, vel involuta,
organa primarum viarum non afficientia, citius quam par erat elimi-
nantur, aut multo chylo, pro assumptorum varietate vario, valde di-
luta ad loca remotiora inermia deferantur; In quem errorem quoque
incidunt, qui largiori quam requiritur vehiculo medicamenta excipiunt,
eo enim quo gulam, forsitan ab ingrato relicto sapore, eluere intendunt,
ipsa medicamenta plus justo diluunt, & cum illo vehiculo ad vias uri-
narias deducunt, quæ vel in ventriculo aut aliis receptaculis moram
longiorem trahere debebant. Nec minus in periculum grave se ipsos
conjiciunt, qui post evacuationem sanguinis aut humorum, intempera-
to spirituosorum usu, corpus reficere intendunt, aut auctam à levi ca-
thartico famem, immodice satiant; Tum enim medicamenta brevi an-
te assumpta inique inculpanitur, cum intempestiva ingurgitatione spiri-
tuosorum, sanguis in vasis depletis ad vehementiorem motum excite-
tur turbeturque, flammaque vitalis secundum Willisium obruatur,
cum subsequenti Lipothymia. Novi, scribit enim citatus author,
quosdam paulo post à Phlebotomia, ob potum pleniorum aut liquo-
ris vinosi ingestionem adhibitam, in Leypo-thymias terribiles incidisse,
quæ per quamdiu, donec spiritus vitalis semiobrutus denuo emer-
geret, perduraverunt. Imo & ventriculus majori ciborum quantitate
distenditur, quam ut pauci ab evacuatione relicti spiritus sufficiant, ad
concoctionem tantæ molis juvandam, ventriculique tonum pro neces-
saria

saria distensionis resistentia irrigandum. Ad sitim extinguendam medicamentis evacuantibus quandoque productam, dum & hæc faucium glandulis serum eliciunt, si non abstineant potu frigido, Medicamenta præprimis resinosa stimulantia, l. spirituosius soluta assumpta, l. ventriculo demum liquefacta, facile præcipitantur, & quo in loco operationem inceperunt, è poris liquidorum ejecta, obstructions inducunt, vel si in ventriculo pessundata, ulterius Chylo misceri & sanguini communicari inepta erunt; Humores autem aliquantulum ad motum excitati, gelido tali haustu compescuntur, inde Colicæ Spasmodicæ & convulsivæ notantur. Naturaliter & accidit, quod medicamentorum ope humores ad evacuationem parati, non absque molestia ægri exitum quærant, quo tamen mox post exclusionem liberantur; si nunc talia illum inquietum faciunt, ut corpus stragulis, ad expectationem usque successus medicamenti fovere nolit, sed illud huc & illud jectigando, & liberiori aeri exponendo artus denudet, subitanea illa mutatione mox constringuntur pori, & omnia nervosa tendinosa, fibrillosa, machinæ corporis contrahuntur, repellunturque humores jam in actum constituti, vis tamen medicamenti intra claustra operatur, quo mox majores anxietates persentiuntur, aut artuum dolores, interdum Paralytes, si subitus horror medicamentorum potentiam coercere potest, si non, ad convulsionem laceffunt repagularum fibrillas, inde vehementius in consueto quandoque itinere eruunt.

X X X I I.

Sunt tertio humores, qui medicamentorum operationi valdi repugnant, eamque immutant, quatenus nimirum pro mensuris inserviunt tot heterogeneis, sanguini, vel esculenta interne assumpta, vel ab extra, vitiosis aëris particulis aut effluviis morbosorum corporum per contagium communicatis, qualia jam ex parte §. 14. recensui; Hæc nunc humoribus semper quidem inesse non diffitendum est, nisi enim cum lymphæ & salsa, & oleosa, & Spirituosa, commista essent, nunquam requisita digestio & fermentio assumptorum rite perageretur, modo ad hæc actiones obeundas iusta eorum sit miscela, illegitima enim si illa sit, nobiliora jam recensita ad alimenta in succum & sanguinem convertendi vel remittunt, vel vitiose operantur, notatur tunc temperamentorum mutatio & morbus, de quo legimus Hippocratem, libro de Prisca Medicina, concinne rationantem. Inest enim in Homine, scribit author, & amarum & salum, & dulce; & acidum, & acerbum, & fluidum & alia infinita, omnigenas facultates habentia copiamque & robur; Atque hæc quidem mixta & temperata, neque conspicua sunt, neque homi-

nem

nem lædunt, ubi vero quid horum secretum fuerit, atque ipsum in se ipso fuerit, tunc & conspicuum est & hominem lædit: Hæc heterogeneorum qualitates, ab Hippocrate jam eleganter descriptas, liquido nostro inesse, affirmat abunde examinata humorum à sanguine secretorum natura. Consideremus saltem salivæ limpiditatem, virtutem abstergentem exsiccantem balsamicam, ejus spumam, illiusque copiosiori excretioni virium insequentem debilitatem, illi, & aquosum, & falsum, & viscidum & spirituosum inesse reperiemus, sit porro nostræ considerationis fermenti ventriculi acido salina, succi Pancreatici salivæ valde analoga indoles, Bilis oleoso, aquoso, salino volatilis conjunctio, & reliqua ut acidum, amarum, & acerbum in nobis manifesta erunt, & quæ non ulterius urinæ analysi deteguntur particulæ, spirituum tamen vigore & dulcedine ita attemperatæ hæ sunt, ut in statu sano vix conspiciantur, noxamque inferant, lædere autem possunt, quando secundum Hippocratem: singula fortiora & natura humana potentiora in fluidis regnant, ut ab ea superari non possint; fortius recenset inter dulcia dulcissimum. inter amara amarissimum, inter acida acidissimum & in omnibus adeo rebus vigorem ipsum ac summum.

Hi humores ratione salum in iis prævalentium, quomodo medicamentorum operationi contrariantur, aut quando incrassati & viscidi, sunt quomodo eorum vim infringant? facile innotescet, si attendamus, quomodo medicamenta quoque ex salibus oleosis & terrestribus petita, castrari talibus possint? & qui effectus horum concursu se manifestent extra corpus commixtorum Huic rei indagatoribus facem præferunt, optimi rerum medicarum gnari Chymici, id circo nonnullas conclusiones, ex experimentis probatis ab ipsis definitas, pro illustratione Thesis meæ recensere proficuum erit. Agnoscunt nimirum duplicis generis salia, alcalia & acida, eaque ut juratos hostes, subjectis diversis immista, vel sese mutuo contingentia, continuo versus se invicem militantia. Quicquid enim uno figitur ab altero rursus volatilifatur, & quod ab uno solutum ab altero coagulatur, quocunque loco absconditum unum, ab adversario suo mox detegitur, qui illum in latibulo suo adoritur, tanto interdum conamine, ut & intima involucri inter dimicandum permeent & destruent, quod, si in viscido contingat, hoc in signem molem elevatur, fumusque intra bullas, ut nota contritionis salium, eructatur. Unde Chymici non immerito hætenus pro apodictico habuerunt: ab acido solutum ab alcali præcipitari & vice versa: succos vegetabilium ab acido rubescentes, ab alcali affuso, rursus viridescere: alcalia vocarunt salia resuscitati-

va. Acrior vero & vehementior conflictus notatur, quando aqua tantum soluta immediate committuntur, tum enim tanto cum sibilo spumantes tumultuantur in vase, ut fumus ascendens & vasculi ardor, de acerrima coitione satis testentur, imo flammam emittunt, si sulphurei modo quid intercedat, flammam facile concipiens. Hoc autem certamen notabile tum demum ineunt, quando sufficienti copia confunduntur, ut æqualibus viribus agere possint, alias si unum prævaleat, debilem accedentem hostem spernit & compedibus quasi includit. Post insignem hanc luctam, reconciliata quasi, tandem subsidunt, eoque intimius combinantur, quo fortius antehac certarunt, & sal tertium constituunt, corpus durum ex utrisque compositum, difficillime in singula rursus separandum.

Hæc cum ita sint, & salia hæc humoribus nostris in plurimis morbis abundare, eaque ipsa medicamentorum plurimorum vim constituere notum habeamus, facile supputamus rationem, similium phænomenorum intra vasa corporis nostri se manifestantium. Unde scl. mercurii præparata acria, rursus, licet bene ligata & mitigata fluidis nostris commixta, virulentiam recuperent? quare medicamenta fortiora satis voto non respondeant? unde flatus & inflationes ventriculi & Intestinorum Borborygmi, vomitus? à medicamentis minime flatulentis, multo minus emeticis? Unde ardores & æstus insignes, colici dolores, liquidorum nostrorum fermentabilium vis enervata, unde pertinaces obstructions? à medicamentis deobstruentibus, flatus dissipantibus, anodinis? Salia hæc fortius agere à calore admoto Chemici edocti sunt, quando menstruis hisce compositis, vel simplicibus calefactis, solvenda citius conterunt. Si ergo calida locis dolentibus circa quæ salia hærent applicantur, dolor interdum augetur potius, quam ut fetu tali remittat, quoniam salia sic magis in actum coguntur. Singularis autem nonnullorum acidorum ea est indoles, ut terrea magis vel minus dura, tanta vehementia corradant, quanta in insigni effervescentia observari solet, si viscida, oleosa, salibus alcalicis juncta, arripiant, cum iis abeunt in picem: Talibus ergo medicamentis exhibitis, hisce objectis in corpore occurrentibus, non mitior concursus judicandus erit, licet enim infringatur inde acidi vis, prima tamen illorum coitione acerrima, insueta corpori infertur alteratio, & sedato motu, pessima coadunatio, & in pastam aut offam unam coalitus, unde pertinacissimæ obstructions, calculorumque concretiones, de quo Tartarus circa dentes hærens testatur, sic & calcis ortus intra juncturas articulorum podagricorum, à synophia acri & viscido. Acida

hæc ut & alcalia, quamdiu phlegmate destituta, aut quiescentia aut coagulata relinquuntur, nullam actionem edunt, quoniam salia non nisi soluta agunt, sic alcalia, in crystallos bene conservata, sulphurea non dividunt, acidorum fortissima concreta, metalla non solvunt, accedente vero humido, operationes facile inchoant, ita ut acida, cum acidis ejusdem prosapiæ magis aquosis, effervescentiam ineant. Apparet inde ratio cur medicamenta blanda, emollientia, fœtus humidi aquei, aut quæ ad suppurandum tumoribus multis cum successu adhibentur, tam infensa sint Schirrhis duris? quorum latens acidum in actum cœcit, dum ligamenta eorum dissolvunt.

X X X I I I.

Hisce nunc adductis, male observatis, nititur quarta, quam posui, causa, mala nempe applicatio medicamentorum, hæc est Empyricorum, qui nec ratione nec vera Experientia fundatam medendi methodum profitentur, & nominali saltem tam medicamentorum, quam morborum cognitione gaudent, ideoque infausto successu remedia adhibent. Non autem, in applicatione remediorum concludendum est cum illis, hoc vel illud medicamenti genus, probatum fuit, morbum, hoc vel illo nomine notum curare, ergo & reliquos ejusdem nominis curabit, hoc enim si valeret, unica medicamenti formula, de hærede in hæredem asservata, per omne ævum sufficeret omni individuo, & tota res medica, consisteret tribus vel quatuor remediis. Sed mensuranda medicamenta sunt, secundum qualitatem & quantitatem, quæ unum morbum, variis causis ortum, repellere debent. Quando ergo medicamenta exhibentur, cujus vires ignoramus an scilicet è fortiorum, an leniorum catalogo desumpta sint? aut si composita ex pluribus, quænam in ea compositione prævaleant? ut justam dosin exinde determinare possimus, si extracta sint, quo menstruo dissoluta? aut quorum virtutes nobis ignota sunt, quæ interdum duplices in uno esse possunt, emollientes v. g. & obstruentes, necessario illorum operationes malæ & contrariæ erunt. Sic, si fortiora sint, quo correctore mitiganda? an forma sicca exhibenda, an pilulari melius conveniant, an liquidâ etiam assumi debeant? si liquida? quo humido misceri se patiantur? quæ & alia ignorata, testantur de periculosa medicastorum cura, dum interdum Euphorbio, Helleboro, Scammonio crudo, Mercurio vitæ, aut dulci in pulvere exhibito, Vitro Antimonii nudo pulverisato, &c. diris torminibus, ægrum affligunt Ignorata tali modo Qualitate, ignoratur & Quantitas, sive dosis medicamentorum porrigendorum, quæ non universalis, sed ratione

Qua-

Qualitatis memoratæ per gradus dirigenda est, alias prorsus alienus eorum effectus, v. g. Communis Elixir Proprietatis corrigens est contentorum ventriculi, si dosin ejus augeamus alvum ut Catharticum movebit: Acetum aut acidum vel acido-austerum pro condimento assumitur, si affatim absorbeatur, sudorem extemporaneum urgebit, sic & adstringentia, si non modice assumantur, in evacuantia degenerant, quod alias illorum naturæ contrariatur, contrahunt vero, in copia assumpta, eo validius fibrillas vasorum & muscutorum, unde major influxus spirituum & liquidi copiosior expulsio, quod observatum quondam in fœmina, mensium obstructione laborante, quæ, ab assumptis Granatorum corticibus, fluxum recuperavit. Vinum ad vitrum unum vel alterum haustum, exhilarat animum, restituit vigorem, vomitum cohibet, ad mensuras vero ingurgitatum, vomitum excitat soporem inducit, mentis impotes reddit, ut neque pes neque manus officium faciant. Opium ad granum sumptum evacuationes sistit, ad scrupulum vero abusum, stimulat illas cum vitæ periculo.

Utcunque nunc medicamentorum, sic morborum secundum Qualitatem & Quantitatem incerta cognitio, infidæ applicationis & operationis causa est, pari enim passu, in eo, utraque hæc ambulant; qui enim errat in electione Medicamentorum Cephalicorum, Pectoralium, Stomachicorum, Anti-Dysentericorum, Febrifugorum, Scorbuticorum &c. cum uno titulo, diversa contraria comprehendantur, errabit & ille, qui, audito morbo quis sit, eum secundum Qualitatem aliorum, judicabit, nulla insuper habita ratione Quantiatis, quoniam è Pathologia examinati, valde a se invicem discrepantes innotescunt. Inde malo sic judicato morbo, causa ejus non attenditur, an Symptomaticus sit, aut qui peccantes humores abundant? Sed ab externis signis aut effectu tantummodo cognito morbo, illotis manibus cura suscipitur, nulla prævia correctione humorum, Evacuantes cæco ausu tentatur res, aut sistuntur Evacuationes naturales vel alio abducuntur, naturæ motu minime observato, malignitas morbi ad sanguinem revocatur, vel apparens jam Crisis aut imminens ignorantia turbatur, cuilibet ægro promiscue universalia medicamenta obtruduntur, cum tamen omni omnia non convenient, sed secundum Hippocratem præter morbi notitiam, & ætas & regio & conditio, & sexus perpendenda, an seni sc. an infanti, an maris accolis, aut in mare navigantibus, aut in calidiori Climate degentibus, pari morbo correptis, paria remedia conducant? An mas an fœmina, valetudinarius, tener an rusticus sit curandus? Quantitas

morborum, (è ipsorum temporibus intelligenda) non judicatur, an scilicet inchoaverint an ad statum jam perventi sint, an durante morbo, viscera bene vigeant, an jam flaccida, gangrænosa vel sphacelosa reddita sint, Tandem & locus seu sedes morbi malè quandoque ponderatur, & quænam nobiliores partes illi subjectæ aut adstantes sint, vel cavendæ vel defendendæ, in incisionibus & applicatione acriorum medicamentorum, quo minori dolore, minori periculo, nullis convulsionibus metuendis operatio peragatur, Quæ quidem asserta innumeris exemplis illustrare possem, cum autem pagellarum angustia, omnia quæ in evolvendis observationibus expertorum authorum occurrunt, non capiat, satis me fecisse credo, Operationem medicamentorum malam & contrariam ejusque effectus & causas adduxisse. Cautelæ id circo addendæ, communi canone peti poterunt, quod sublatis & evitatis causis malis idem & sublatus effectus erit, nec a sollicito Practico infelix medicamentorum successus metuendus, quoties ab illo considerabuntur cum Hoffmanno sequentia, tritis versiculis expressa.

Temperies, ætas, cæli status, ars rata, morbus

Usus, causa, locus, Symptoma, innata facultas,

Consimiles morbi, mos, motus, Pharmaca, gestus.

Summa autem cautela, sit, ne sola nostra experientia freti, de arte gloriamur, quæ sine Summi Numinis nutu, vana exercetur; Sed quocunque tempore tam ab ægro, quam à Medico, cum voto benedictionis Divinæ, medicamenta administranda sunt. Quoties enim Dei auxiliatricem manum non cooperantem habebimus, toties Medicamentorum Operatio mala & contraria erit.

F I N I S.